



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e-mail: info@voda.ba

Broj: **UP-1/21-1-40-334-11/22**

Datum: **06.10.2023. godine**

«Agencija za vodno područje rijeke Save» Sarajevo rješavajući po zahtjevu Ministarstva za poljoprivredu, šumarstvo i vodoprivredu Zeničko – dobojskog kantona, za izdavanje prethodne vodne saglasnosti u postupku dodjele koncesije za izgradnju mHE «Kakanj» na rijeci Bosni, općina Kakanj, na osnovu člana 142. stav 1. i člana 218. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

ZAKLJUČAK

1. Prekida se postupak pokrenut od strane Ministarstva za poljoprivredu, šumarstvo i vodoprivredu Zeničko – dobojskog kantona, kao koncesora, za izdavanje prethodne vodne saglasnosti u postupku dodjele koncesije za izgradnju hidroenergetskog objekta mHE «Kakanj» na rijeci Bosni, općina Kakanj.
2. Prekid postupka trajat će dok se ne riješi prethodno pitanje, odnosno dok se ne provede izmjena i dopuna Prostornog plana na način da predmetna gradnja mHE «Kakanj» nije u koliziji sa mHE „Poljice” čija je gradnja po važećem Prostornom planu predviđena cca 800m uzvodno od predmetne lokacije.

Obrazloženje

Dana 29.06.2022. godine, Ministarstvo za poljoprivredu, šumarstvo i vodoprivredu Zeničko – dobojskog kantona, obratilo se ovoj Agenciji sa zahtjevom za izdavanje prethodne vodne saglasnosti u postupku dodjele koncesije na osnovu samoinicijativne ponude za izgradnju mHE „Kakanj” na rijeci Bosni u krugu TE Kakanj, podnesene od strane JP «Elektroprivreda BiH» d.d. Sarajevo.

U prilogu zahtjeva za izdavanje prethodne vodne saglasnosti broj: 05-26-5980-10/16 od 21.06.2022. godine dostavljena je slijedeća dokumentacija:

- Zahtjev za nastavak postupka za dodjelu koncesije broj: 007-9939-1/2022 od 04.04.2022. godine upućen od strane JP «Elektroprivreda BiH» d.d. Sarajevo,
- Idejni projekat: „MHE Kakanj na rijeci Bosni, Opština Kakanj” KNJIGA 01. i KNJIGA 19, urađen 2021. godine, od strane „IG” d.o.o. Banja Luka.

Nakon izvršenog uvida u dostavljeni zahtjev i priloženu dokumentaciju utvrđeno je da se ista ne može izdati pravnom ili fizičkom licu jer se radi o izgradnji objekta koji je obuhvaćen Zakonom o dopunama zakona o električnoj energiji u Federaciji Bosne i Hercegovine i koji spada u zabranjene aktivnosti, te je ova Agencija donijela Zaključak broj: UP-1/21-1-40-334-2/22 od 01.09.2022. godine, kojim se odbacuje zahtjev za izdavanje prethodne vodne saglasnosti.

Dana 10.03.2023. godine Ministarstvo za poljoprivredu, šumarstvo i vodoprivredu Zeničko – dobojskog kantona se u ponovljenom postupku obratilo ovoj Agenciji sa zahtjevom, broj: 05-26-5980-17/16 od 13.02.2023. godine, za izdavanje prethodne vodne saglasnosti za izgradnju mHE „Kakanj”. Ponovljeni postupak se vodi nakon što je stranka izjavila žalbu na zaključak Ministarstva broj: 05-25-5980-11/16 od 09.09.2022. godine te je drugostepeni organ donio rješenje, poništio doneseni Zaključak i naložio ponovno provođenje postupka. U drugostepenom rješenju je navedeno da je žalitelj podnio zahtjev za izdavanje prethodne vodne saglasnosti prije stupanja na snagu Zakona o dopunama zakona o električnoj energiji u Federaciji Bosne i Hercegovine i da isti ne može biti osnov za odbacivanje predmetnog zahtjeva.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-1/21-1-40-334-4/22 od 13.04.2023. godine u kojem je zatraženo od podnosioca zahtjeva da isti upotpuni u roku od 10 (deset) dana od dana urednog prijema dostavljene obavijesti. Zahtjevom za dopunu podneska je zatraženo da se pored opšte dokumentacije sa obrasca zahtjeva isti dopuni i Mišljenjem o usklađenosti planiranih aktivnosti sa dokumentima prostornog uređenja, koje treba biti sačinjeno od strane organa uprave nadležnog za prostorno planiranje.

Dana 03.05.2023. godine, dostavljena je dopuna podneska, dio raspoložive dokumentacije, uz konstataciju da će se ažurni dokumenti dostaviti nakon pribavljanja istih. U prilogu dopune podneska je dostavljeno:

- Ovjerena kopija aktuelnog izvoda iz sudskog registra od 06.04.2023. godine, Općinski sud u Sarajevu;
- Ovjerena kopija uvjerenja o poreznoj registraciji (ID broj 4200225150005), od 15.07.2004. godine, Kantonalni porezni ured Sarajevo;
- Kopija zemljišnoknjižnog izvadka broj 9, K.O. SP_Papratnica, broj parcele 323/1;
- Kopija zemljišnoknjižnog izvadka broj 798, K.O. SP_Papratnica, broj parcele 67;
- Kopija zemljišnoknjižnog izvadka broj 127, K.O. SP_Slapnica, broj parcele 1408;
- Kopija zemljišnoknjižnog izvadka broj 323, K.O. SP_Slapnica, broj parcele 1354/2 i 1354/3;
- Kopija katastarskog plana, UR broj: 06/2-26-1534/2022-2 od 06.09.2022. godine, R1:1500, kopija;
- Kopija katastarskog plana, UR broj: 06/2-26-1534/2023-3 od 06.09.2022. godine, R1:1500, kopija;
- Kopija stručnog mišljenja i Izvod iz prostorno planske dokumentacije, broj: 12/09-23-08978-1/16 od 21.11.2016. godine, Ministarstvo za prostorno uređenje, promet i komunikacije i zaštitu okoline, Kantonalni zavod za urbanizam i prostorno uređenje;
- Dokaz o uplaćenju upravnoj taksi u iznosu od 80,00 KM.

Dana 21.06.2023. godine, naknadno je dostavljena slijedeća dokumenatcija:

- Stručno mišljenje i Izvod iz prostorno - planske dokumentacije za mHE Kakanj na rijeci Bosni, broj: 12/09-23-08978-2/16 od 29.05.2023. godine, izdato od strane Ministarstva za prostorno uređenje, promet i komunikacije i zaštitu okoline, Kantonalni zavod za urbanizam i prostorno uređenje;
- Zemljišnoknjižni izvadak broj 798, K.O. SP_Papratnica, broj parcele 67;
- Zemljišnoknjižni izvadak broj 9, K.O. SP_Papratnica, broj parcele 323/1;
- Zemljišnoknjižni izvadak broj 127, K.O. SP_Slapnica, broj parcele 1408;
- Zemljišnoknjižni izvadak broj 323, K.O. SP_Slapnica, broj parcele 1354/2 i 1354/3;
- Kopija katastarskog plana, UR broj: 06/2-26-553/2023-2 od 27.04.2023. godine, R1:1500;
- Kopija katastarskog plana, UR broj: 06/2-26-553/2023-3 od 27.04.2023. godine, R1:1500;

Nakon izvršenog uvida u dostavljeno stručno mišljenje zatražena je dopuna podneska dopisom broj: UP-1/21-1-40-334-7/22 od 30.06.2023. godine u kojem je zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavijesti. Zahtjevom za dopunu podneska je zatraženo da se dostavi stručno Mišljenje o usklađenosti planiranih aktivnosti sa dokumentima prostornog uređenja sa posebnim osvrtom na uticaje i mogućnost izgradnje planirane HE „Poljice“.

Dana 20.07.2023. godine, dostavljeno je obavještenje da je u toku pribavljanje traženog mišljenja od nadležne institucije.

Dana 18.08.2023. godine dopisom broj: UP-1/21-1-40-334-9/22 upućena je urgencija JP «Elektroprivreda BiH» d.d. Sarajevo za dostavljanje tražene dopune podneska.

Dana 12.09.2023. godine, uz dopis broj: 07-30696-1/23 dostavljena je dopuna podneska: Stručno mišljenje u vezi mHE „Kakanj“ i mHE „Poljice“ na rijeci Bosni, broj: 12/09-23-08978-3/16 od 04.09.2023. godine, izdato od Ministarstva za prostorno uređenje, promet i komunikacije i zaštitu okoline, Kantonalni zavod za urbanizam i prostorno uređenje.

Lokacije planiranih mHE su definirane Prostornim planom Zeničko-dobojskog kantona 2009.-2029. godine i Prostornim planom općine Kakanj 2010-2030. godine. U dostavljenom mišljenju je navedeno da se daje prednost izgradnji mHE Kakanj u odnosu na mHE „Poljice“, te da mHE „Poljice“ (kada se steknu uslovi za izmjenu i dopunu planskih dokumenata) treba brisati iz planske dokumentacije.

Uvidom u Idejni projekat mHE Kakanj, urađen od strane „IG“ d.o.o. Banja Luka, utvrđeno je da je planirana brana mHE Kakanj gravitacionog tipa, građevinske visine 14,0m i dužine akumulacije L=2050m, pri maksimalnoj koti normalnog uspora 389,50 m n. m. što može bitno uticati na izgradnju HE „Poljice“ koja je locirana cca 800 m uzvodno od pregradnog profila mHE „Kakanj“.

Obzirom da je Prostorni plan u kome je planirana HE „Poljice“ važeći, njenu realizaciju bi ugrozila izgradnja mHE „Kakanj“ (sa tehničkim karakteristikama koje su prezentirane u priloženoj dokumentaciji, prvenstveno kotom uspora), ovaj postupak se prekida dok se izvrše izmjene Prostornog plana i kroz te izmjene ne riješi pitanje kolizije pregradnog profila mHE „Poljice“ sa predmetnom mHE „Kakanj“.

Na osnovu navedenog, a u skladu sa članom 142. stav 1. Zakona o upravnom postupku («Službene novine Federacije BiH», br. 2/98, 48/99 i 61/22) riješeno kao u dispozitivu ovog zaključka.

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- Ministarstvo za poljoprivredu, šumarstvo i vodoprivredu, ul. Kučukovići br. 2, 72000 Zenica
- JP «Elektroprivreda BiH» d.d. - Sarajevo, Vilsonovo šetalište 15, 71000 Sarajevo
- AVP Sava, ISV - Vodna knjiga
- ⊙ Sektor 40, arhiva
- AVP Sava - Oglasna ploča